




## CEFTRIAZONE

**Trade name:** CEFONIX, ROCEPHIN, ONREZ

**Generic name:** CEFTRIAZONE

### Eng atana hman nge?

Ceftriazone hi 3rd generation cephalosporins antibiotic class ami ani a, bacterial infection enkawl nan leh a lo awm tur ven nan hman a ni tlangpui. Tihrawl (intramuscular) leh thisen kawng (intravenous) injection-a pek thin a ni. Infection hrang hrang - chuap, zun kawng, vun, pumpui, ruh, ruh chuktuah, thluak tuamtu räng (meningitis) leh, mipat hmeichhiatna hman fimkhur loh avanga serh natna (gonorrhoea) enkawl na atana hman a ni.



### Eng chemical nge a nih?

6R,7R)-7-[[[(2Z)-2-(2-amino-1,3-thiazol-4-yl)-2-(methoxyimino)acetyl]amino]-3-[[[(2-methyl-5,6-dioxo-1,2,5,6-tetrahydro-1,2,4-triazin-3-yl)thio]methyl]-8-oxo-5-thia-1-azabicyclo[4.2.0]oct-2-ene-2-carboxylic acid.

### Eng angin nge kan hmuh thin?

A müm (tablet), laihren (capsule), a tui (suspension) leh inchiu (injection).

### Engzata ei tur nge?

Ceftriazone hi a hmanna azirin ei dan tur (dose) a inang lo va. Kum zat, rih zawng, kal (kidney) leh thin (liver) function azirin dose hi siam danglama pek thin a ni. Infection hrang hrang – chuap, zun kawng, vun, pumpui, ruh, ruh chuktuah, thluak tuamtu räng (meningitis)-ah chuan 1-2g-in ni khatah vawi khat emaw, a chanvein nikhatah vawi hnihin ni 7-14 chung pek thin a ni tlangpui. Infection vanga bengna (otitis media)-ah chuan 50mg/kg-in ni khatah vawi khat tihrawl (intramuscular)-in pek thin a ni. Gonorrhoea-ah chuan 250mg-in ni khatah vawi khat IM injection-in 100mg doxycycline nen pek thin a ni.

### Naupang tan

Naupang kum 12 leh a hnuailam chu an taksa rih zawng azirin dose hi siamsak an ni. Ni khatah 4g aia tam pek loh tur a ni a, infection azirin a pek hun chung pawh a inang lo a, a tlangpuiin ni 4 atanga ni 14 chung pek thin a ni.

### Side Effects

Inchiuna hmuamhma bul vel char leh na, kawthalo, vun thak leh bawl, lu na, mitliam, thisen tlachham, luak chuak, creatinine leh bilirubin sang a siam/thlen thei.

### Damdawi dang nen ei pawlh a him em?

Calcium awmna tui (solutions) ho chi reng reng (Calcium-acetate, carbonate, chloride, citrate, gluconate) leh Ceftriazone hi hman pawlh loh tur a ni a, kan hman pawlh a nih pawhin darkar 48 danah pek chauh tur a ni. Tin, damdawi dang tam tak nen a ruala taksa lak loh loh tur a awma, a langsar zual thenkhatte chu – Enoxaparin, Fondaparinux, BCG vaccine, Warfarin, Minocycline, Tetracycline, Furosemide te an ni.





## MEMBERS OF THE MIZORAM STATE PHARMACY COUNCIL

### President

Pu Lalsawma Pachuau

### Vice President

Dr. H. Lahlhenmawia

### Registrar-cum-Secretary

Esther Lalduhawmi Hnamte

### Members

Dr. K. Ropari

Dr. R. Tlangkunga

Pu Thangkima Ralte

Pu C. Vanthuama

Pu F. Vanlallawma

Pu Lalvuana

Pu F. Lalliantluanga

Pu R. Rodinglana

Pu Zothanpuia

Pi Lahlmingliani Pachuau

Pi Laldinpuii

Pi Vanlalhluti

## DAMDAWI CHUNGCHANGAH ZAWH DUH I NEI EM?

- # Damdawi ei kawp loh tur i hria em?
- # Damdawi ei nghawng (side effect) eng nge?
- # Damdawi i ei khan nghawng tha lo (adverse effect) eng nge a neih?
- # Damdawi engtia ei tur nge?
- # Damdawi i ei kha a hlauhawm em?

Hengahte hian zawhna i neih chuan  
**DRUGS INFORMATION CENTRE,**  
Office of the Mizoram State Pharmacy Council, Phone 0389-2321683-ah office hour chhungin zawt la, an lo chhang ang che.


## CEFIXIME

**Trade name:** SUPRAX, ATOCEF, PANCEF-O

**Generic name:** CEFIXIME

### Eng atana hman nge?

Cefixime hi 3rd generation cephalosporins antibiotic class ami a ni a. A hmanna tlangpuite chu infection hrang hrang – bronchitis, otitis media, tonsillitis, typhoid, mipat hmeichhiatna hman fimkhur loh vanga serh natna (gonorrhoea) enkawl na atana hman a ni. A müm (tablet) leh a tui (suspension) anga pek theih a ni.



### Eng chemical nge a nih?

(6R,7R)-7-[[2-(2-Amino-1,3-thiazol-4-yl)-2-(carboxymethoxyimino)acetyl]amino]-3-ethenyl-8-oxo-5-thia-1-azabicyclo[4.2.0]oct-2-ene-2-carboxylic acid

### Eng angin nge kan hmuh thin?

A müm (tablet), laihren (capsule), a tui (suspension), inchiu (injection, erythromycin lactobionate).

### Engzata ei tur nge?

Cefixime dose pangngai chu 400mg-in ni khatah vawi khat emaw, a chanvein vawi hnih (darkar 12) danah ei tur a ni. Typhoid enkawl nan bik chuan 15-20mg/kg-in ni khatah vawi hnihin ni 7-14 chung ei tur a ni. Kal tha loah chuan dose pangngai aia hniamin pek tur a ni a, hetiang Creatinine clearance (CrCl) 21-60mL/min-ah chuan ni khatah 260mg-a pek tur a ni a, 20mL/min-a nih chuan 200mg-in ni khatah vawi khat pek tur a ni.

### Naupang tan

Naupang kum 12 leh a hnuai lamah chuan an dose pangngai chu 8mg/kg-in ni khatah vawi khat emaw, a chanvein vawi hnih (darkar 12) a ni a. Ni khatah 400mg aia tam pek loh tur a ni bawk.

### Side Effects

Kawthalo, pumna, luakchhuak, pum puar nuam lo, luna, khawsik, vun bawl leh thak, hmui durh leh pan leh, creatinine sang a siam/thlen thei.

### Damdawi dang nen ei pawlh a him em?

Heng vaccine hrang hrang – BCG, Cholera, Typhoid damdawite nen hian Cefixime hi pek rual loh tur a ni. Chutiang bawkin damdawi dang – Warfarin, Estradiol, Aspirin, Chloramphenicol, Furosemide te nena ei rual hian a khawii emaw zawk zawk hnathawh a tichakin emaw tihchak loh theih avangin a ruala ei loh tur a ni.